



## Universitätsbibliothek Paderborn

**Malvm Svmmi Mali Sive De infinita grauitate peccati  
mortalis Libri Qvinq[ve]**

**Pelecyus, Johannes**

**Monachii, 1615**

Serenissimi Principi Ac Domino, Domino Maximiliano, Comiti Palatino  
Rheni, vtiusque Bauariæ Duci, &c. Domino clementissimo.

[urn:nbn:de:hbz:466:1-52025](https://nbn-resolving.de/urn:nbn:de:hbz:466:1-52025)

SERENIS-  
SIMO PRINCIPI  
AC DOMINO, DOMI-  
no Maximiliano, Comiti Pala-  
tino Rheni, utriusque Ba-  
variae Ducis, &c. Domi-  
no clementif-  
fimo.

**V**Aluit hæc olim a-  
pud plerosq; opi-  
nio, SERENISSIME  
PRINCEPS, ut si quod ani-  
mal aut MAGNITUDINERA-  
rum, aut FORMA prodigio-  
sum, aut INGENIO sœuum  
inuenissent, id maximis  
quibusq; Principibus du-  
cerent transmittendum.  
Fit enim, nescio sanè quo  
modo, ut suam OCULI VO-

A. 2. lupta-

EPISTOLA.

Iuptatem in MONSTRIS etiam ipsis inueniant: pluresq; habeat spectatores insolens DEFORMITAS, quam familiaris ELEGANTIA reperisset. Quare & Ægyptus HIPPOCENTAVRVM, & Antiochia FAVNVM; cum viuos non possent, melle conditos; illum CLAUDIO principi, hunc CONSTANTINO Cæsari ostenderunt; gratiam ab illis inituræ, si informes formas, & AFRÆ solitudinis spectra cōmonstrassent. Hominem MARINVM Libyes in Hispaniam; portentosæ molis ELEPHANTVM Lusitani Româ ex vltimâ Indiâ deportarunt;

EPISTOLÆ.

runt; longæ nauigationis  
grande pretium pacti, vt  
Monstrum belluę summus  
terrarum PONTIFEX vide-  
ret. Quid multis? HYDRAM  
ipsam si HERCVLES, aut  
SPHYNGEM suam OEDIPVS  
reducerent, magnis heroi-  
bus nunc ipsi heroës dedi-  
carent. Evidēm nescio,  
SERENISSIME PRINCEPS,  
an non perinde portento-  
sam belluam Vestræ Sere-  
nitati hodie transmittam?  
Monstrum profectò HOR-  
RENDVM INFORME, IN-  
GENS: quod pridē in COE-  
LO conceptum, MUNDI  
huius tetrarchiam infeli-  
cissima sobole vastare, &

A 3 ho-

EPISTOLÆ.

hodieque per inferos latissimè grassari perseuerat.  
MORTIFERVM id PECCATVM est: lues perniciof; generis humani: Animal Tigride fæuius; HYDRA monstrosius, & præ omnibus HIPPOCENTAVRIS FAVNISQVE deforme. Quod non modò cum feris LEO-NIBVS comparant diuinæ litteræ; sed cum VIPERIS etiam pestilentibus componunt: Nec contentæ ASPIDEM aut DRACONEM dicere; alijs hoc genus non minibus turpissimam feram infamant. Huius ipsius progenie appellat Magnus AVGVSTINVS, TRA-

GE-

EPISTOLÆ.

GELAPHOS ; huius ipsius  
prolē CLEMENS ALEXAN-  
DRINVS, Cētauros; dignos  
infaustâ parente pullos.  
Quod ego proinde ANI-  
MAL cùm SVMMO BONO  
planissimè contrarium vi-  
derem volui non abs re  
SVMMVM MALVM indige-  
tare: digniori voce appell-  
laturus, si peiorem inue-  
nisssem. Id verò cùm non  
vium hodie, sed melle  
conditum, & quinque his  
libris, velut in tabellâ, de-  
pietum haberem, rebar  
minimè fore ominosum,  
si, veterum exēplo, mon-  
strosissimæ rei imaginem,  
ad VESTRAM quoque SE-

A 4 RENI

EPISTOLA.

RENITATEM perferrē: Non  
sanè quod arbitrabar amo-  
re aliquo dignam , ( quis  
enim hanc HYDRÆ formā,  
& ORCI infamiam amet? )  
sed quòd sperabam fore,  
ut aliquam ab eius aspectu  
voluptatem, VESTRA SE-  
RENITAS caperet ; siILLA  
bonique cæteri viderent,  
à quàm deformi monstro  
liberi viuerent : MALI,  
quàm turpi portento ob-  
noxij seruirent. Utinam  
ea magis tempora essent,  
quibus SVMVM BONVM  
siue describere mihi, siue  
SERENISSIMO HVIC NO-  
MIMI inscribere liceret?  
Nemini ego illud neque  
iusti-

EPISTOLÆ.

iustius, neque lubentius  
dedicarem; ea sunt SE-  
RENITATIS VESTRÆ, MA-  
IORVMQVE SERENISSI-  
MORVM in familiam hanc  
nostram merita. Interim  
certè, cui nondum illud  
inscribimus, iustissimis  
pridem votis apprecamur;  
meritóque plausu lätissi-  
mas hodie, non ANNI VNI-  
VS KALENDAS, sed anno-  
rum centurias vouemus;  
parati de Nostris aliquid  
demere, vt numerū hunc  
farciamus. COELVM, SE-  
RENITATI VESTRÆ SERVM  
flagitamus; Nondū enim  
ex bono publico est, vt

A 5 eius

EPISTOL A.

cius voti damnemur: in-  
felicem patriam visuri, si  
citò audiremur. Monachij,  
Kalendis Ianuariis c. Ic, Ic.  
C. XV.

Serenitatis Vestrae

Humillimus Sacel-  
lanus.

Ioannes Pele-  
cyus.